



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

VI. Secundum argumentum.

urn:nbn:de:hbz:466:1-16260

millia futura sint sine Lege; sequentibus duobus millibus vigeat Lex; quibus succedat, & per duo postrema millia servetur Messiae doctrina. Unde liquet post duo annorum millia abrogandam esse Legem Mosis. Est in Midrasch Coheleth, *Legem quam homo dicit in hoc seculo, vanitatem esse pre lege Messie.* Est denique apud R. Simeonem in Jalkut, Deum per Messiam novam legem esse daturum.

Jalk. in Isa.
Secundum
r̄agumentū.
Math. 5. 17.
18.

VI. Christianam quoque causam plurimum labefactari putant Judæi his Iesu Christi verbis: *Nolite patere quoniam veni solvere Legem aut Prophetas; non veni solvere, sed adimplere.* Amen quippe dico vobis, donec transeat calum & terra, tota unum, aut unus apex non præteribit à Lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno cælorum. Tantum abest ergo, inquit, ut Iesus Moysicam Legem antiquaverit, ut id ne fieret, diserte caverit. At falluntur Judæi, perperam sumto Legis vocabulo, que non hic præscriptos ceremoniarum ritus, vel judicialia & moralia præcepta signat; sed Legis ipsius summam ac finem, quo præcepta singula privatim spectabant.

Math. 22. 37,
& seq.

Finem vero hunc præscribit alibi Iesus ipse: *Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum & primum mandatum.* Secundum autem simile est huic: *Diliges proximum tuum, sicut te ipsum.* In his duobus mandatis universa Lex pendet & Propheta. Præclare Paulus ad Romanos:

Rom. 13. 8, &
seq.

Qui diligit proximum, Legem implevit: nam, Non adulterabis, Non occides, Non furaberis, Non falsum testimonium dices, Non concupiscis, & si quod est aliud mandatum, in hoc verbo instruatur; Diliges proximum tuum, sicut te ipsum. Dilectio proximi malum non operatur. Plenitudo ergo Legis est dilectio. Itaque Judæorum infaniam castigat in priore ad Timortheum, qui Legem callere se putantes, quo ipsa pertineret haudquaque intelligebant, summam ejus in rituum quorundam observatione ponentes: *Finis autem præcepti est charitas de corde puro, & conscientia bona, & fide non ficta: à quibus quidam aberrantes, conversi sunt in vaniloquium, volentes esse Legis doctores, non intelligentes neque que loquuntur, neque de quibus affirmant.*

1. Tim. 1. 5, &
seq.

Sed & ipse Moses ad Legis finem dignitatem intenderat dicens: *Circumcidet Dominus Deus tuus cor tuum, & cor seminis tui; ut diligas Dominum Deum tuum in toto corde tuo, & in tota anima tua, ut possis vivere.* Cum autem in Lege ipsa fati præsidii non esset ad hunc finem assendum, subsidio fuit Christus, ac opem laborantibus ferens, & ad optatum deducens finem, imbecillitatem atque defectum Legis resarcit. Prædicabat id Paulus apud Pisidas, ut refert Lucas in Actis: *Ab omnibus, quibus non potuisti in Lege Moysi justificari, in hoc (Christo) omnis qui credit justificatur.* Fuse hoc argumentum tractatum habes nono & decimo capite Epistolæ ad Ebraeos, unde cognoscas inopiam Legis, cui quæcumque debeat, ea Christus Iesus abunde supplevit. Nam quamvis in decimo octavo Psalmo Lex dicitur perfecta, (id enim sonat vox Ebraæ, חֲסִידָה) non ideo summam ipsi perfectionem tribui censem, sed eam tantum quam postulabant tempora illa, quibus condita est. Hac responsione uitur R. Joseph Albo, libro tertio Iccarim, capite trigesimo sexto, qui & familiari comparatione rem explanat: Lac cibus est puer accommodatus, quo perfecte nutritur: fecus erit, si idem viro adhibeas. Præterea Messianum unum spectabant Testamenti Veteris oracula, adeo ut præfici hujus complementum sit Testamentum Novum. Finis Legis Christus ad justitiam omni credenti, inquit Paulus in Epistola ad Romanos. Idem ad Galatas: *Itaque Lex pedagogus noster fuit in Christo, ut ex fide justificemur: at ubi venit fides, jam non sumus sub pedagogo.* Et ad Colossenses: *Nemo ergo vos judicet in cibo, aut in potu, aut in parte diei festi, aut nocturne, aut sabbathorum, que sunt umbra futurorum: corpus autem Christi.* Docet quoque in Epistola ad Ebraeos, Legem habere umbram futurorum bonorum, eorum videlicet quæ per Christum adepti sumus. Itaque Christus Legem non solvit, sed absolvit, cum ejus prædictiones in se ad exitum perdixit; cum ad propositum præceptoriis Legis finem, pietatem nempe in Deum, & charitatem erga homines, quantum per Legem ipsam haudquaque fuissimus consecuti, gratia ipsius & benignitate pervenimus. Legem ergo destruimus per fidem? ait Paulus, *abstine; sed Legem statuimus.* Ac merito Judæos his verbis castigat: *Obtusi sunt sensus eorum: usque in hodiernum enim diem idipsum velamen in lectio Veteris Testamenti manet non revelatum, quoniam in Christo evacuat: sed usque in hodiernum diem, cum legitur Moyses, velamen positum est super cor eorum.* Cum autem conversus fuerit ad Dominum, auferetur velamen.

